



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's Affairs

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13) i tačke V Odluke o standardima i kriterijima za imenovanje na poziciju predsjednika i članova Upravnog odbora i predsjednika i članova Nadzornog odbora Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata "IKRE" ("Službene novine Kantona Sarajevo", br. 27/04 i 51/19), ministar za boračka pitanja Kantona Sarajevo raspisuje

O G L A S

za imenovanje na poziciju predsjednika i članova Upravnog odbora i predsjednika i članova Nadzornog odbora Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata "IKRE"

Oglašavaju se pozicije:

U Fondu Kantona Sarajevo za stipendiranje i školovanje djece boraca, poginulih boraca i poginulih civila-žrtava rata "IKRE" (u daljnjem tekstu: Fond), i to:

- predsjednik Upravnog odbora.....1 izvršilac
- član Upravnog odbora.....2 izvršioca
- predsjednik Nadzornog odbora.....1 izvršilac
- član Nadzornog odbora.....2 izvršioca

Jedan član (uključujući i predsjednika) Upravnog i Nadzornog odbora bira se ispred Ministarstva za boračka pitanja Kantona Sarajevo.

Predsjednika i članove Upravnog i Nadzornog odbora Fonda, imenuje Vlada Kantona Sarajevo na osnovu prijedloga Ministarstva za boračka pitanja Kantona Sarajevo (u daljnjem tekstu: Ministarstvo).

Opis pozicije-nadležnost Upravnog odbora:

- donosi Statut Fonda na koji daje saglasnost Skupština Kantona Sarajevo (u daljnjem tekstu: Osnivač);
- donosi Pravilnik o unutrašnjoj organizaciji i sistematizaciji;
- donosi Pravilnik o kriterijima za dodjelu sredstava za školovanje djece boraca i djece poginulih boraca na koji suglasnost daje Osnivač;
- donosi srednjoročne, odnosno godišnje planove i programe Fonda, na koji saglasnost daje Osnivač;
- prati realizaciju planova i programa Fonda i vrši kontrolu namjenskog i racionalnog korištenja sredstava Fonda;
- utvrđuje kriterije i mjerila za usmjeravanje i raspoređivanje sredstava Fonda;
- usvaja završni račun Fonda;
- usvaja godišnji izvještaj o radu i poslovanju Fonda, na koju saglasnost daje Osnivač;
- obavlja i druge poslove za koje je ovlašten propisima, Statutom i drugim aktima Fonda;
- bira i razrješava direktora u skladu sa pozitivnim zakonskim propisima.

Opis pozicije-nadležnost Nadzornog odbora:

- analizira izvještaje o poslovanju Fonda;
- pregleda polugodišnje izvještaje i godišnji izvještaj;
- pregleda i provjerava urednost i zakonitost vođenja poslovnih knjiga;
- izvještava Osnivača, Upravni odbor i direktora o rezultatima nadzora.

Predsjednik i članovi Upravnog i Nadzornog odbora imenuju se na period od četiri godine.

Naknada za rad u Upravnom i Nadzornog odboru utvrđuje se opštim aktom Fonda.

Kandidat za imenovanje mora ispunjavati slijedeće opće uslove:

- da je stariji od 18 godina (dokaz: rodni list),
- da je državljanin Bosne i Hercegovine (dokaz: uvjerenje o državljanstvu),
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije (dokaz: izjava kandidata potpisana i ovjerena od strane nadležnog organa),
- da se na tog kandidata ne odnosi član IX.1. Ustava Bosne i Hercegovine (dokaz: izjava kandidata potpisana i ovjerena od strane nadležnog organa),
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (dokaz: izjava kandidata potpisana i ovjerena od strane nadležnog organa),
- da nije osuđivan za krivično djelo i za privredni prestup nespojiv sa dužnošću u Upravnom i Nadzornom odboru Fonda u čiji se Upravni/Nadzorni odbor kandiduje (dokaz: izjava kandidata potpisana i ovjerena od strane nadležnog organa da će u slučaju da bude izabran dostaviti uvjerenje da nije osuđivan za krivično djelo i za prekršaj nespojiv sa dužnošću u Upravnom/Nadzornom odboru Fonda),
- da protiv njega nije podignuta i potvrđena opuznica niti izrečena osuđujuća presuda za krivično djelo sa propisanom kaznom zatvora do pet godina (dokaz: izjava kandidata potpisana i ovjerena od strane nadležnog organa da će u slučaju da bude izabran dostaviti uvjerenje da protiv njega nije podignuta i potvrđena opuznica niti izrečena osuđujuća presuda za krivično djelo sa propisanom kaznom zatvora do pet godina),
- da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine (dokaz: izjava kandidata potpisana i ovjerena od strane nadležnog organa),
- da nije nosilac javne funkcije u smislu Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka (dokaz: izjava kandidata potpisana i ovjerena od strane nadležnog organa).

Pored navedenih općih uslova kandidati koji se prijavljuju na oglas moraju ispunjavati i slijedeće posebne uslove:

- stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ili 240 ECTS studijskih bodova ili drugog ili trećeg ciklusa Bolonjskog sistema studiranja (dokaz: ovjerena kopija diplome),
- najmanje pet godina radnog iskustva u struci (dokaz: uvjerenje o radnom iskustvu u struci),
- da nema privatni finansijski interes u Fondu u čiji se Upravni i Nadzorni odbor imenuje (dokaz: izjava kandidata potpisana i ovjerena od strane nadležnog organa),
- da nije direktor javne ustanove (dokaz: izjava kandidata potpisana i ovjerena od strane nadležnog organa),
- da nije član više od jednog upravnog i nadzornog odbora (dokaz: izjava kandidata potpisana i ovjerena od strane nadležnog organa).

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata, ne starije od šest mjeseci, kao dokaz o ispunjavanju općih i posebnih uslova traženih oglasom.

U uredno potpisanoj prijavi, obavezno navesti poziciju na koju se kandidat prijavljuje (predsjednik ili član Upravnog odbora ili predsjednik ili član Nadzornog odbora).

Oglas ostaje otvoren 15 dana od dana posljednjeg objavljivanja. Oglas će biti objavljen u Službenim novinama Federacije BiH, u dnevnom listu "Dnevni Avaz", kao i na web stranici Ministarstva za boračka pitanja Kantona Sarajevo. Nepotpune i neblagovremene prijave neće se uzeti u razmatranje.

Prijave na oglas se dostavljaju na adresu: Kanton Sarajevo – Ministarstvo za boračka pitanja Kantona Sarajevo, Sarajevo, ulica Reisa Džemaludina Čauševića broj 1, uz naznaku:

PRIJAVA NA OGLAS – UPRAVNI ODBOR/NADZORNI ODBOR FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA-ŽRTAVA RATA "IKRE"
- NE OTVARAJ -

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Vlada Kantona Sarajevo.

Kandidati koji budu izabrani sa liste užeg izbora kandidata koji ispunjavaju uslove Oglasa dužni su u roku od sedam dana od dana prijema obavijesti o izboru, dostaviti Ministarstvu za boračka pitanja Kantona Sarajevo: uvjerenje da nije osuđivan za krivično djelo nespojivo sa dužnošću u Upravnom i Nadzornom odboru Fonda izdato od nadležnog MUP-a – Uprava policije), uvjerenje da nije izrečena zaštitna mjera vršenja poziva, djelatnosti i dužnosti u prekršajnom postupku, nespojiva sa dužnošću u Upravnom/Nadzornom odboru Fonda izdato od nadležnog suda i uvjerenje da nije podignuta, potvrđena opužnica niti izrečena osuđujuća presuda za krivično djelo sa propisanom kaznom zatvora do pet godina izdato od nadležnog suda.

Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci će se popuniti neposredno prilikom intervjua.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH ("Službeni glasnik BiH", broj 12/25). Kandidati koje nakon intervjua preporuči Komisija za izbor, smatrat će se da su najuspješnije prošli otvorenu konkurenciju.

Imenovanje kandidata za predsjednika i članove Upravnog odbora i predsjednika i članove Nadzornog odbora Fonda izvršiti će Vlada Kantona Sarajevo na osnovu sastavljene liste povoljno ocijenjenih kandidata.

Broj: 06-04-50874/25
Sarajevo, 23.10.2025.godine

